

Morgens auff den Sonntag/nach dem man Mess gelesen hat/ist Franciscus vor allem Volck / (das bey zwey tausend personen zugegenwar) in beyseyn des Obersten vnnnd seiner Diener/auch seiner verwandten vnd Freunde/ denen er zuvor geprediget hatte/auffgestanden/ vnnnd allda offentlich die Lehre / welche er vormals gehalten/verschworen/ auch alles/ so er zuvor gelehret hette/ widerriffen : vnd wiewol er hiebevorn die Menschliche verdienst / das Vertrauen auff die Werck/ den Freyen willen/ das Fegfeuer/die Fürbitte der Heiligen/ den Päpstlichen Ablass/ vnd andere dergleichen stücke vnnnd articul/ auß Gottes Wort widerlegt hette/ bekennete er jedoch hie offentlichen/ er habe geirret/vnd sey betrogen vnnnd verführet worden : bezeuget auch / daß er nu jekund widerumb auff den rechten weg des Liechts vnnnd der Wahrheit/ auch zur gemeinschaft der H. Römischen Kirchen/ kommen sey.